

Voegwoorde (conjunctions)

Voegwoorde word gebruik om sinne saam te voeg. Voegwoorde is verbindingswoorde (*joining words*) en kan opgedeel word in drie groepe. Die groep waarin die voegwoord val, bepaal (*determine*) waar die werkwoord in die sin geplaas moet word.

Groep 1 (Die werkwoord skuif nie.)	Groep 2 (Die werkwoord skuif tot na die voegwoord.)	Groep 3 (Die werkwoord skuif na die einde van die sin.)
Daar is net 'n paar woorde in hierdie groep: maar (<i>but</i>) want (<i>because</i>) dog (<i>but</i>) en (<i>and</i>) of (<i>or</i>)	d-woorde , maar nie dog of dat nie + uitsonderings : dus (<i>therefore</i>) dan (<i>then</i>) daarom (<i>therefore</i>) tog (<i>even so</i>) anders (<i>otherwise</i>)	dat-woorde + vraagwoorde + uitsonderings : omdat (<i>because</i>) nadat (<i>after</i>) wat (<i>what, who</i>) terwyl (<i>while</i>) aangesien (<i>seeing that</i>)

Voorbeelde:

- Jy moet jou veiligheidsgordel aansit. Dit kan jou lewe red. (want)
Jy moet jou veiligheidsgordel aansit, want dit **kan** jou lewe **red**.
- Jy werk lang dae. Jy moet vroeg gaan slaap. (dus)
Jy werk lang dae; dus **moet** jy vroeg **gaan slaap**.
- Jy moet nie met vuur speel nie. Dit is gevaarlik. (omdat)
Jy moet nie met vuur speel nie omdat dit gevaarlik **is**.



Ken die woorde

anders – *otherwise*
fiks – *fit*
gevaarlik – *dangerous*
indien – *on the condition*
that
lewe – *life*
red – *save*
teleurgesteld – *disappointed*
veiligheidsgordel – *seat belt*
vuur – *fire*
weereens – *once again*

1. Dui aan in watter groep elk van die vetgedrukte voegwoorde val.

a) Hy probeer uitvind watter nommer om te bel.	
b) Jy kan gaan indien jou huiswerk voltooi is.	
c) Ons het 'n groot hond, maar hy is doodbang.	
d) Ek is teleurgesteld, want ons het weereens verloor.	
e) Ek is onfiks; daarom kan ek nie ver draf nie.	
f) Hy kan ver hardloop omdat hy fiks is.	
g) Hy moet oefen anders gaan hy baie sukkel.	
h) As dit donker is, skyn die maan helder.	



Wenke

As jy 'n sin met 'n werkwoord begin, ontmoet die werkwoorde mekaar in die middel met 'n komma tussenin, bv. Omdat ek moeg **is**, **gaan** ek vroeg slaap. **Al** is die enigste uitsondering – die werkwoord kom direk na **al**, bv. **Al** is jy fiks, kan jy moeg raak.

